

# إحلم

أشعار بالعامية المصرية

للشاعر / محمد رجب

إلى روح أُمي وقلب أبي  
و حب زوجتي و صفاء أولادي  
و وفاء أصحابي  
اهدي هذا العمل  
مع خالص حبي و تقديري  
لكل قارئ ..  
و مهتم ومحـب  
لمصرنا الحبيبة

الشاعر / محمد رجب

جيل

جيل ..  
ورى ..  
جيل ..  
ورى جيل ..  
يا بلادي  
نفرش سكة أحلامك ..  
بالعلم وبالإصلاح  
ونداوي جراح أيامك ..  
بعرقنا في ليل وصباح  
تخضر الأرض وتطرح ورد  
والبركة في النيل  
جيل ورى جيل ..  
ورى جيل يا بلادي  
بايدينا يا مصر يا بلدي ..  
هندافع عن أراضيك  
قادرين على أي تحدى ..  
مايهمك من أعاديكي  
بالدم نجود ..  
ونعدى حدود ..

(١٠)

والدم قليل  
جيل ..  
ورى جيل ..  
ورى جيل يا بلادي  
إحنا اللى بنينا ..  
يا مصر ..  
أمجادك والأهرام  
وفرشنا السكة بصبر..  
بحقايق مش أو هام  
والسد أهو أد لبكرى..  
وبعد ..  
عنوانك ودليل  
جيل ..  
ورى جيل ..  
ورى جيل يا بلادي

الحمد

أحلم ..  
وأملّي جفونك ..  
حلم ف حلم  
أنسى الواقع  
وعيش في الحلم  
أنسى ف يوم أنك مجروح  
م تفكرش لحد تبوح  
خليك سابح ..  
جوه الحلم ..  
أوعى تفوق  
طير بجناح الحلم لفوق  
عدى حدودك ..  
و المسموح..  
عدي و روح  
سيب الجسم ..  
في قلب سريرك  
واخرج ويا الروح هتروح  
عيش في الدنيا  
بس كأنك مش موجود

حب و غني ..  
حس بشئ ..  
جواك مولود  
حب حياة الناس ..  
وشقا هم ..  
عيش وياهم  
جوه البسطا  
اللي شقا هم ..  
شئ معهود  
جرب مرة ..  
تمسح إيدك ..  
جفن يتيم ..  
ضمه ف صدرك  
تشعر أنك ..  
لسه سليم  
أنسى طابور الالتزامات  
وأنسى همومك والطلبات  
وارجع بس لحلمك ..  
يمكن ..



يرجع فرحك ..  
بعد مامات  
عيش أحلام ..  
وارجع صدقها  
تلقى طريقك ..  
شق طريقها  
بس ما تنساش ..  
يوم ما تخطي  
انك واقف مش مذبوح  
حاول تفهم ..  
سيب الجسم ..  
في قلب سريرك ..  
واخرج ويا الروح ..  
هتروح  
وأحلم

مَلاح

كنت ..  
زمان ..  
عاشق ملامح دنيتك  
عاشق لياليك الجميلة ..  
وضحكك ..  
عارف خطاوي سكتك  
كل الخطاوي ..  
كات جريئة ..  
داست على أسوار الحقيقة  
كانت الأحلام برئية ..  
جريئة كانت فكرتك  
دلوقتي ليه  
اتجمدت كل المشاعر  
أنا كنت شاعر  
دلوقتي ليه ..  
مش عارف أمسك قلم  
واكتب قصيدة  
يمكن عشان مباحلمش  
يمكن عشان أحلامي

من أيامي صبحت بعيدة  
كانت الأيام جميلة  
وليها طعم وليها لون  
كنت بافرح  
كل يوم ميت ألف يوم  
كنت باضحك  
ضحكة تملأ الدنيا  
ولما أبكى  
كنت أبكى  
مش لحالي  
كنت أبكى  
لحالي صديق  
أن قلبه مش برئ  
انه مش لاقى الطريق  
رغم ان الحال شوية  
كنت عايش  
أحل دنيا  
جوايا يا شئى قوة تعمل  
أو ارداة

(٢٠)

كنت حاسس بالسعادة  
وف العبادة  
كنت صافي  
ولو أخاف  
ينساني خوفي  
كنت حافظ  
كل كلمة من حروفي  
واكتشفت  
أنه الشباب  
رغم العذاب  
ياكل تراب  
يلبس تراب  
يصنع من الحلم السراب  
واقع جميل  
يجعل الأيام كتاب  
يقراه ويعرف منتهاه  
يبني بغير ما يكل قصر بألف باب  
يفتح خطوط المستحيل  
وإن مال زمانه

(٢١)

عمره ما فيوم راح يميل  
وده شئ جميل  
قلت حاول تبقى يوم ترجع شباب  
وانت تلقى فيوم  
شفايف ضحكك  
مستنياك وري كل باب  
وانت تملك بين اديك  
ضحكة لياليك  
من غير متستنى الغياب  
وان غاب قمر فسماك  
جواك هيخرج ويكشفك  
ضباب ميت قمر  
جواك هيخرج قمر  
و يكشف ضباب  
وابتديت أمسك قلم  
وأكتب قصايد  
زى صياد أرزقي  
طرحت شباكاه فرحه  
والرزق زاد

(٢٢)

واملا الورق  
زى صفحات الجرايد  
وادخل فندوات الثقافة  
المعتمدة وأقعد وأسمع  
غصب عنى كلمة  
ملهاش أى معنى  
وأرجع وأغزل  
في ثوب القصيدة  
وأركب شراع المعاني  
لمواني بعيدة  
وتخذني دوامت الحياة  
وأغرق في بحر المشاكل  
وآلاقي طوق للنجاه  
ومعاه أحاول أحاول  
لحد ما أوصل لبرى  
وأرجع لقلمي وشعري  
وأغزل في ثوب القصيدة  
وشراع المعاني  
لمواني جديدة

# دعوة أبويا



دعوة أبويا المستجابة  
كانت ..  
أنا  
مع أنى كنت في علم ربه ..  
مش هنا  
كان لما يقرأ في الكتاب ..  
ويعجزه لفظه ومعاني ..  
كان يرفع الأيد للسحاب  
ويقول يارب ..  
أنا ليك بأعاني  
اديني من ظهري ولد ..  
ويكون فصيح  
يقرأ الكتاب ..  
ويكون صريح ..  
ويكون سند  
وبقيت أنا ..  
وجيت هنا  
واحد صحيح

(٢٦)

ووهبني رب الكون ..

مشاعر  
وصبحت شاعر  
ولساني واعر  
لكن في حق الله .. وبس  
وبكل هم الناس ..  
بأحس  
وأنا ذي ما يكون بيه مس  
أول ما حاجة تهزني  
ألقي القلم بيشدني  
وأمد أيدي ع الورق  
وكأني فارس في السبق  
وما أشلش ايدي ..  
إلا في نهاية القصيدة  
بتقول معانيها الجديدة  
كلي اللي حاصل ..  
مش بايدك ..  
ترتيب لسيدك  
والدعوة كانت ..

(٢٧)

مستجابة ..  
من حبيبك  
أرضى بنصيبك ..  
واشكره على دعوته  
هتتول رضاه ومحبتة ..  
من رحمته  
رب الخلايق كلها ..  
خلقك يا عم بدعوته  
دعوة أبوك

# جوه عينيكي

جوه عيونك خذت شراعي ..  
وقلت أبحر  
قبل ما أخطى الرمش ..  
وأعدي النني الأخضر  
قلت أستنى ..  
لأحسن تغرق ..  
غصب عنك ف المتقدر  
قلت لنفسي ..  
لو متقدر ..  
إزاي هقدر ..  
أمنع مركب روحي تسير  
لو متقدر ..  
مش هايكون ..  
له معاك تفسير  
عدي ..  
وخلي الأمر على الله  
والمركب لو فيها المولى  
مش راح تمشي ..  
لأ ..

ها تطير  
زقيت نفسي ..  
في بحر عينيكي  
أنا وشراعي اللي بيتمخطر  
قلت أغوص جواكي ..  
وفيكي ..  
وأشرب ..  
م الشهد المتكرر  
شفتك روح..  
وسفينة نوح..  
والأحلام اللي بتتفسر  
قدرك ..  
مكتوبك تمشيه  
وأنا والهي مشيته كتير  
شفتك ..  
قبل ما أشوفك فيه  
أسف ..  
لو خاني التعبير  
شفت آلام الدنيا بترسم ..

(٣٢)

فيكي ..  
ثانيه بثنائه  
شفتك صورة ..  
بس الثانيه  
مش باديكي ..  
يللي عينيكي ..  
بستان أخضر  
ما شيه مع الأحوال ..  
للآخر  
قلتي لهمك ..  
قوم وأتاخر  
سايبه الروح ..  
في الحب تروح  
نفسي أقولك ..  
سر وأبوح  
أنا حبيبتك ..  
بس الحب اللي ما يتقدر ..  
اللى أخذنى جوه عيونك ..  
أنا وشراعي ..  
وقال لى أبجر

(٣٣)

امسح دموعك



امسح دموعك ..  
ابتسم ..  
انسى الهموم  
وافرد قلوبك ..  
أترسم ..  
أدفع وعيهم  
ألمح خطاوى سكتك  
اضحك وعلى ضحكتك  
لو فاتنا يوم ويانا يوم  
يا صاحب قوم  
لو سبت روحك للندم ..  
والذكريات  
هاتعيش حياتك ف الألم ..  
ويا الآهات  
لساك شباب ..  
شيل الضباب  
يا صاحب شايقك ..  
أدها وأدود  
كسر همومك ..

(٣٦)

هدها هايعود  
بعد اللى راح..  
نور الصباح  
ابدء حياتك من جـدـد  
من غيـر كسـل  
لو حـلمك الغـايب بعيد  
تلقاه وصـل

(٣٧)

فَالْأَحْ

أنا ابن الأرض..  
والمية  
أنا ابن الخصرة..  
ف البساتين  
أنا اللي عروقي مروية ..  
محبه ..  
والبشر عارفين  
أنا اللي كتافي مبنية ..  
بطمي النيل  
أنا المواويل على أصولها ..  
بحسن جميل  
أنا ابن النخل ف العالي ..  
وبيلالي بالرطب للعين  
أنا ابن الأرض والمية  
أنا ابن الخصرة ف البساتين  
أنا ابن القمح ف غيطانه  
أنا ابن البلبل الصداح ..  
بألحانه  
أنا ابن الفلاحين ف الغيط

(٤١)

تشوفنى بسيط ..  
لكنى حويط  
وعارف خطوتى ..  
على فين  
أنا اللى طالع ..  
من صباح رب العباد ..  
على الساقية ..  
وبروى الزرع ..  
وأنا الواقف في وسط الغيط ..  
وقت الحصاد ف عز الظهر ..  
ملو السمع ..  
مصري أصيل ..  
لكنى بأميل ..  
أكون من أول الناجحين  
أنا اللى اديه تلمسها ..  
فتلقاها من حصى أرضي ..  
أنا الفستان  
أنا المرسوم على البردي ..  
وعلى الجدران  
وزارع ف الغيطان وردي ..

(٤٢)

وكلي حنان  
وعندى ف التاريخ مجدين  
أنا اللى تلاقي فوق وشي ..  
سنابل قمح مبتسمه  
أنا اللى يبان عليه الخير ..  
و باحمد ربى ع النعمة  
وعاشق للخضار..  
والطير..  
وفاتح صدرى للنسمه  
عمار الأرض بكفوفي ..  
مدام قادرين  
أنا اللى بأعلم الأولاد..  
ف كتاب البلد قرآن  
أنا اللى دماغي مليانه ..  
بفكر زويل ..  
هدى وإيمان  
أنا رمز السلام والحب ..  
للرايدين  
أنا اللى من جلالبي..

(٤٣)

خرج أجناد  
تدافع عن تراب بلدي..  
وتهدى النصر..  
للأولاد  
أنا اللي جبينى مرفوعة ..  
وصوتى كلمة مسموعة ..  
وقوتى من عرق كدى  
ومين أدى..  
يا عم مين  
أنا اللي الحق ف حروفي ..  
على أهلى..  
وعلى الأعداء  
ولا يقيدنى يوم خوفى..  
ولا ظروفي ..  
ولا الأسماء  
أنا اللي بأقولها مكشوفة ..  
ومعرفه ..  
لأخويا ولأبن عمي ..  
سواء

وتسأل عنى أعدائي..  
يقولوا آمين  
أنا ابنى منى بيعلم..  
أمم ف الطب  
ومين بيدى وبهذى..  
معاني الحب  
يداوى بالدوى والروح  
ويشفى باللسان مجروح  
وماشي وف طريق مسموح  
وطول عمره من الناجحين  
أنا صوت المكن دوار..  
من الدوار..  
لحد المصنع العالي  
أنا حس الابر والخيط..  
أنا التخطيط..  
لعز بلدنا طوالى  
أنا كلیم الغلابة..  
من بواقي..  
قماش ومتشكل

(٤٥)



أنا الكستور..  
أنا الدمور  
أنا البفته ..  
وباتحمل  
أنا التصدير لصوف وحرير ..  
من الغالي  
عشان مصري يا مصريين  
أنا الفقرا ..  
الى ع القمر ا بيتجمع ..  
على صوت الحليم والست  
أنا الأب اللى بيعلم..  
وبيطبطب على كتاف الولد والبنت  
أنا البسمه..  
أنا النسمة ..  
وعمرى ما خنت  
وأخون ازاي..  
وأنا يا مصر موالك  
وأقولها لك..  
وصوتي حنين

(٤٦)

أنا ابن الأرض والمية  
أنا ابن الخصرة ف البساتين  
أنا الصياد على الدفا فوق المية  
أنا قلع المراكبية  
أنا اللقمة اللي مغموسة ..  
بفول مهروس وطعمية  
أنا جبين الشقى العرقان  
أنا المصري أبو العمه وجلابية  
ما أنا ابن الأرض والمية  
أنا ابن الخصرة ف البساتين  
أنا الأجيال ..  
على طول الزمن ..  
صامد مع الصامدين  
أنا الفلاح لكن عربى ..  
ودمى أصيل  
وشايل الهم فوق كتفى ..  
ولو مال الزمن ..  
ماها ميل  
بأمد ادية وبالملم ..

(٤٧)

جلالبي وجلالبيهم  
وأخطى قنايا ومعايا..  
في دربي وعمري ما هاسيبهم  
عشان الدم والنخوة يا مصريين  
م أنا بن الخضرة ف البساتين  
أنا اللي عروقي مروية..  
محبه..  
والبشر عارفين  
أنا اللي كتافي مبنية..  
بطمى النيل  
أنا النخل اللي ف العالي..  
وبيلالي بالرطب للعين  
أنا المواويل على الهادي..  
بحسن جميل  
أنا المصري يا مصريين

# ما تخافش

يا صاحبي ..  
دوس ع الصعب..  
ما تخافش  
يا صاحبي..  
خطي بقلب ..  
ما تهابش  
افتح ببيان الأمل ..  
يا حمل  
تصبح أسد وحشي  
افتح ذراعك للحياة ..  
واحضنها تديك  
وامسح دموعك ..  
وانس آه..  
هدت فيوم حيلك  
دور على الحلم اللي تاه ..  
واعزف مواويلك

(٥١)

وغنى غنى للحياة..  
غنى وما تهربشي  
يا صاحبي ..  
دوس ع الصعب ما تخافشي

(٥٢)

# الحياة

الحياة دوراه ..  
زى طيف سراب  
وبكره نداره ..  
جوه حفره من التراب  
واحنا جواها ..  
يا إما ..  
فرد واحد ..  
أوف لمة  
يا ف نعيم الجنة ..  
أوجوه العذاب  
هي دى الدنيا بسيطة ..  
في شكلها  
بس بعض الناس عبيطة ..  
باقولها ..  
الى دايم فيها ايه ..  
لوفقير أو حتى بيه  
كل أحوالها حويطة ..  
زيها  
عشها بالطول ..  
أو بعرض

(٥٥)



أدى واجبك فرض ..  
فرض  
فرض ..  
واجب للإله ..  
إحنا ملناش غير حماه ..  
هو رب سماء وأرض  
كل يوم بيعدى محسوب من حياتنا  
كل يوم بيعدى بيشيل ذكرايتنا ..  
مهما كانت شكلها ..  
مهما كانت حجمها  
لو وقفنا عندها ..  
عمرنا هيعدى ..  
فكلامنا وسكاتنا  
ليه نضيع عمرنا ف الذكريات  
ليه ندور ع اللى راح ..  
واللى فات  
ليه تسلم للندم ..  
يللى مخلوق م العدم  
ليه تعيش ف الماضي..

(٥٦)

وتسبب اللي آت  
أيه ها نعمل ..  
القدر مكتوب علينا  
والحياة سكة سفر..  
واحنا ابتدينا  
رغم عنك ..  
رغم عنى  
أد سنك ..  
أد سني  
وفي النهاية ..  
بتلاقينا انتهينا  
عيش حياتك ..  
زى ما تكون والسلام  
بيع أهاتك ..  
للزمن ما تقول بكام  
دى الحياة هي كده  
ليه تُبص..  
لده وده..  
من غير كلام

(٥٧)

مكتوبالك ..  
عشها وف وسط الزحام  
الحياة

(٥٨)

عَمْرٍ

عُمَر محمد رجب..  
وارث أدب  
عاشق لأرض النيل..  
ولترايبها الذهب  
راكب حصان الشعر..  
ومعدي فوق كل القوافي  
والقلب طيب..  
ولا عمري كنت لأهلي جافي  
ما أنا أصلى مصري..  
وابن شاعر  
والمشاعر..  
عندي فضفاضة..  
بحب كل الناس  
وكلى حماس..  
بيدفعني خطاوي فسكة الشعرا  
وأحب القول  
وأحب أقرا..  
وأشوف الكون  
بكام نظرة  
ما أنا شاعر..

(٦١)

ووارث شعر من الغالي  
عشان عالي ..  
أبويا القدر..  
وأبوه برده كمان عالي  
ويحلالي أقول الشعر..  
على الهادي..  
ولبلادي فداها الروح  
ما أنا وارث..  
شهامة جدنا الأول  
أبو الأشراف ..  
ولا عمري في يوم..  
راح أخاف ..  
في قول الحق  
ولو هتشق بالسيف..  
شق  
ما أنا عربي ..  
وريث للأب  
كلامه الغالي..  
سهل وصعب

(٦٢)

بيفرش في القلوب..  
الحب  
مأنا ابن الأديب..  
الصب  
محمد ابن عم رجب

(٦٣)

أنسى



بتكبر ..  
غصب عنك ..  
غصب عنك  
فجأة ..  
تلاقي كأنك ..  
عندك كام ..  
مليون إحساس  
حافظ ..  
كل تاريخ الدنيا  
لامس ..  
كل هموم الناس  
عايش ..  
نبض آهات أيامك  
ولما بتقصد ..  
تمسك طرف ثياب أحلامك  
فجأة ..  
تفوق ..  
تبص في صورتك ..  
تسمع سيرتك ..

(٦٧)

من حواليك ..  
بیردها ..  
جهاز حساس  
دیسك ..  
في هارد ..  
وقوله ورد  
ضحك ..  
وجد ..  
نصيحة لجد  
نفسك ..  
تبني بايدك مجد  
تجد ..  
تجد ..  
لكن صخر الدنيا كثير  
مفروش ..  
بيكسر ..  
كل الأحلام  
والعمر ..  
الى انت ما عشتوش

(٦٨)

بيقولك ..  
باي باي يا سلام  
عيش في الدنيا ..  
كأنك عشت  
ما تفكرش في حاجة ..  
وضعت ..  
غصب عنك

(٧٠)

لا مال ولا جاه

لا مال ولا جاه  
ولا سلطة ولا سلطان  
الظلم له منتهاه  
والحق جأى له أوان  
الحق راجع أكيد  
مهما يطول الغياب  
والفجر طالع وليد  
بيشق قلب الضباب  
أصبر يا صاحب النصيب  
بكره سهامك تصيب  
وتلاقي حزن الحبيب  
وخذك بكل حنان  
بكره الليالي الطيبة هتعود  
والضحكة ترجع للعيون تاني  
الغصن الأخضر بكره يصبح عود  
ويمد خير له لى بيعاني  
أفرد قلو عك سمى باسم الله  
ما يهملك الظالم ولا ظلمة  
وامسح دموعك وانسى هم وآه  
بكره اللى راح باديك هتلمه

(٧٤)

اصبر يا صاحب النصيب  
بكره سهامك تصيب  
وتلاقي حزن الحبيب  
وخذك بكل حنان  
لا مال ولا جاه..  
ولا سلطه..  
ولا سلطان  
الظلم له منتهاه..  
والحق جاي له اوان

ح

بحلم ..  
بسلاح ف كتفي  
وف جرابي القنابل  
وف ايدي ..  
صاروخ ودانة  
وانا بحلم ..  
بالسنابل  
تطلع بكره ..  
ف أمان  
وولادي يحصدوها  
وأفضل طول الزمان  
حكاية ..  
يحكوا بيها  
ويقولوا كان شهيد  
وإيمانه كان حديد  
حافظ قرآن إلهه  
ونظره كان بعيد  
عاشق طلقة باروده  
ولا عمره خان عهوده  
ولا فرط ف الكفاح

(٧٨)



لجل ما يشرق صباح  
وبدمه اللي ف وريده  
يروى أرضه وحدوده  
يفرش ع الدنيا عزه  
ولا عمر الخوف يهزه  
ولا يهمه الجراح  
لو كل إخوانه باعوا  
بيلملم ف اللي ضاعوا  
و لا بيعرف نواح  
بحلم أكون كذاك  
عاشق صوت السنايك  
فارس من صوت بلال  
والخيل وقت النزال  
لابس درع الملاحم  
وأموت مثل الرجال  
لكن يا دنيا الحقيقة  
مش لاقى ليه طريقة  
والحلم يكون حياتي  
تتحقق أمنياتي

(٧٩)

# طبع الأُحبه

طبع الأُحبة حنان  
طبع الأُحبة رضا  
والناس قالوها زمان  
طبع الأُحبة كده  
نظرة عيون صافيه  
قلوب بشوق دافيه  
ولا هجر ولا حيره  
والحب مش عافيه  
الحب كان عنـوه  
وحاجات كتير حلوه  
لحظة وفا وإخلاص  
مش هجر ولا شكوى  
الحب كان صوره  
عصفور وعصفوره  
ع الشجرة يتواعدوا  
والوردة ع الصوره  
كان حب بطـيابا  
كان عشق وصـبابا  
والحب كان للروح  
مش ورقة وكتـابا

(٨٢)

الحب كان فرحه  
بين القلوب سارحه  
منقوشة مفروشه  
كانت قلوب سمحه  
الحب كان موال  
بقلوبنا كان ينقوال  
مش قصر وعماره  
ولا يشتريه المال  
كان الرضا مقسوم  
والحب كان بيدوم  
حتى العوازل كان  
ف الحب ليهم يوم  
كانت قلوب مغرمه  
ع الحب متعلمه  
عارفة الهوى مكتوب  
للحب مستسلمه  
طبع الأحبة حنون  
وعيون تلاقي عيون  
وان غاب ف يوم عنها  
رمش الحبيب ما يهون

طبع الأحبة كلام  
بتسجله الأيام  
بلسان حبيب مفتون  
بهوى الحبايب هام  
بع الأحبة الوفى  
لقلوب مالىها الدفى  
نبض القلوب طبطبا  
هم الليالى اختفى  
طبع الأحبة ورود  
غنىوة لحن وعود  
مليانة بالأشواق  
بتمنى ليها نعود  
طبع الأحبة جمال  
فى الكلمة والأفعال  
كان ف الأدب مدرسه  
والحب كان بدلال  
طبع الأحبة حنين  
وادين تلاقى أدين  
إحساس جميل واتقسم  
ف الحب بين اثنين

طبع الأحبة بساطه  
ولا كانش فيها الآطه  
الحب حب وبس  
مش فزلكة وحواطه  
طبع الأحبة سماحه  
والكلمة فيها صراحه  
إخلاص يا ناس وخلاص  
كانت قلوب مرتاحه  
طبع الأحبة الود  
والناس تحب بجد  
واللي بييني بييني  
ولا عمره حب يهد